


持续做大做强
五棵树一条鱼一桌菜



人们如果一边津津有味地啖尝鲜美的龙眼
不忘一边兴致勃勃地诵咏古人所写的龙眼诗词
定会平添更多享受和乐趣……

黄里裹冰肤 累累若贯珠

——古人吟咏龙眼的诗词

偶题

唐·殷尧藩

越女收龙眼，蛮儿拾象牙。
长安千万里，走马送谁家。

忆荔枝

唐·薛涛

传闻象郡隔南荒，绛实丰肌不可忘。
近有青衣连楚水，素浆还得类琼浆。

送谢进士还闽

唐·章碣

百越风烟接巨鳌，还乡心壮不知劳。
雷霆入地建溪险，星斗逼人梨岭高。
却拥木绵吟丽句，便攀龙眼醉香醪。
名场声利喧喧在，莫向林泉改鬓毛。

五羊食荔枝龙眼

宋·曾丰

素闻岭南风，今假岭南馆。
穷秋余夏蒸，初腊借春暖。
披衣汗流衣，握简汗流简。
似登头痛山，而坐身热坂。
谁其善解纷，荔枝杂龙眼。
满盘随情堆，入手信意拣。
强餐饱为期，一澡得三浣。
疑吞玄冰丸，复咽飞雪散。
倚坎两清姿，南多北何罕。
天曾无全功，地固有偏产。
犹记记客闽，厌厌腹频坦。
一离余十年，口与南味断。
渴者易为饮，志得而意满。
儿辈舌太饶，平章味长短。

八月十四夜对月效李长吉

宋·朱翌

雨江洗出揉蓝天，结璘下铺白玉筵。
尾箕斗牛珠一穿，连接影堕我前。
整襟危坐天地默，不知夜漏下几刻。
飞萤一点从外入，白露下湿桂子香。
蓝桥云英正卖浆，金盘荔枝龙眼双。

谢刘宪惠龙眼诗

宋·朱翌

龙目秋成亦一奇，略无瘴雾损瑶肌。
荔枝韵胜村谁亚，益智名同性即非。
侠士从禽携弹去，鲛人探海得珠归。
不须直待枯成腊，便遣尊前解褐衣。

桂圆

宋·杨万里

桂树冰轮两不齐，桂圆不似月圆时。
吴刚玉斧何曾巧，斫尽南枝放北枝。

南乡子

(龙眼未闻有诗词者，戏为赋之)

宋·韩元吉

江路木犀天。梨枣吹风树树悬。只道荔枝无驿使，依然。赢得骊珠万颗传。
香露滴芳鲜。并蒂连枝照绮筵。惊走梧桐双睡鹊，腰底黄金作弹圆。

龙眼

宋·萧前

选荔过於选士难，味佳能有几登盘。
林家新出金钗子，合入君谟谱后刊。

龙眼

宋·李刘

绛衣摇曳绽冰肌，依约华清出浴时。
何物鸦儿驱不去，前身恐是食酥儿。

荔枝龙眼二绝

宋·刘克庄

食观本草岂非痴，二果甘滋可养脾。
毫智自知无益处，肉身安得有轻时。

荔枝叹

宋·苏轼

十里一置飞尘灰，五里一堠兵火催。
颠坑仆谷相枕藉，知是荔枝龙眼来。
飞车跨山鹧鸪横，风枝露叶如新采。
宫中美人一破颜，惊尘溅血流千载。
永元荔枝来交州，天宝岁贡取之涪。
至今饮食林甫肉，无人举觞酹伯游。

龙眼

宋·王十朋

绝品轻红扫地无，纷纷万木以龙呼。
实如益智本非药，味比荔枝真是奴。

岭南荔枝不可寄远龙眼

新熟辄以五日颗奉晦叔

宋·张栻

手自封题寄故人，聊将风味赴诗唇。
千年尚忆唐羌疏，不亏华清驿骑尘。

龙眼

宋·刘子翥

幽林旁挺绿婆娑，啄啖虽微奈美何。
香割蜜脾知韵胜，价轻鱼目为生多。
左思赋咏名初出，玉局谗扬论岂颇。
地极海南秋更暑，登盘犹足洗沈疴。

龙眼

明·张谓

龙眼虽珍果，因多价却廉。
著花明野圃，垂实暗田间。
盛夏攒如蚁，秋风白斗盐。
清香腾玉轸，翠色上珠帘。
具眼应多见，称奴每好谦。
益颜无限补，止渴有余甜。
女伴携篮摘，儿童斩竹拈。
三朝留火焙，四海作珍瞻。
卢橘中元冷，杨梅本性炎。
中和惟尔美，饕餮不渠厌。
玉食时充贡，佳宾俎旋添。
终身为世用，厚味少人嫌。
炫玉非求售，韬光亦解潜。
纷华杂桃李，骨鲠奋箴砭。
药潜功当载，仙翁齿屣沾。
陶门何必柳，千树映茅檐。

咏龙眼

明·李孔修

封皮酿蜜水晶寒，入口香生露未乾。
本与荔枝同一味，当时何不进长安。

龙眼

明·王象晋

其一

来从炎徼登雕俎，满架芳馨总莫逾。
崖蜜纵甘终带酢，江瑶虽美未全瑜。
骚人赋就芳名远，汉帝移来贝叶敷。
较烈侧生应不忝，何缘唤作荔枝奴。

其二

何缘唤作荔枝奴，绝冷丰姿百果无。
碗液醇和羞沆瀣，金丸均璆赛玕珠。
好将姑射仙人产，供作瑶池王母需。
应共荔丹称伯仲，况兼益智策勋殊。

龙眼

清·屈大均

其一

炎方龙眼实，端不让离支。
益智秋初熟，蠲愁晚更宜。
家家为焙日，处处结圆时。
绝似韩嫣出，金丸逐不迟。

其二

七月孤圆熟，村村作果箱。
味能争黑叶，色更染黄姜。
逐利先三楚，乘秋出五羊。
年年珠子树，未富胜蚕桑。

其三

采摘日盈筐，香生比目房。
食多能益智，本草有仙方。

龙眼

清·吴玉麟

黄里裹冰肤，累累若贯珠。
谁将龙刮目，未许荔枝奴。
益智神能健，清心暑可驱。
更怜嘉树荫，霜雪总无殊。

■ 整理/茂名日报社全媒体记者 柯丽云

■ 图/茂名日报社全媒体记者 丘立贺

